

Saksbehandlar: Sissel Brusegård, Opplæringsavdelinga
Sak nr.: 15/9057-14

Søknad om godkjenning – nye programområde, Nordfjord opplæringskontor

Fylkesdirektøren rår fagopplæringsnemnda til å gje slik tilråding:

1. Nordfjord opplæringskontor, Hegrevegen 1, 6781 Stryn, vert godkjent som tverrfagleg opplæringskontor i Sogn og Fjordane innanfor utdanningsprogramma service og samferdsel og teknikk - og industriell produksjon. Kontoret er tidlegare godkjent for utdanningsprogramma helse- og oppvekstfag, samt programområda kontor – og administrasjonsfaget og salsfaget.

Vedlegg:

1. Søknad frå Nordfjord opplæringskontor
2. Vedtekter for Nordfjord Opplæringskontor
3. Vedlegg 1 – utgreiing om Reiselivs-faget

SAKSFRAMSTILLING

2. Bakgrunn for saka

Nordfjord opplæringskontor fekk i sak 7/15 godkjenning som opplæringskontor i faga; kontor- og administrasjonsfaget, salsfaget og helse og oppvekst i Sogn og Fjordane. Nordfjord opplæringskontor vart stifta 07.10.2015 og vil i første rekkje knytte til seg bedrifter i nærområdet. Opplæringskontoret har i løpet av kort tid etablert fleire medlemsavtalar i Nordfjord. Kontoret har vore ein aktiv pådrivar for å skape fleire nye læreplassar og lærebedrifter i Nordfjord.

3. Historikk

I Sogn og Fjordane er det i dag registrert 13 opplæringskontor med adresse i Sogn og Fjordane, og 14 kontor med adresse i andre fylke. Dei fleste av kontora i Sogn og Fjordane er fylkesdekkande bransjekontor innanfor sitt fagområde. Kontora med adresse utanfor fylket er i hovudsak godkjende for fag som ikkje har opplæringskontor i Sogn og Fjordane.

Retningslinjer for godkjenning av opplæringskontor

§ 4 - 3 i opplæringslova omhandlar godkjenning av lærebedrifter. Denne paragrafen vart endra med verknad frå 1.8.2007, slik at det no er fylkeskommunen som godkjenner lærebedrifter. I lovteksten heiter det: "Som lærebedrift kan godkjennast private og offentlege verksemder og organ for samarbeid mellom bedrifter som i fellesskap tek på seg opplæringsansvar (opplæringskontor eller opplæringsring)" Vidare heiter det i same §: "Lærebedrifta må vera fagleg vurdert av yrkesopplæringsnemnda før fylkeskommunen kan godkjenne bedrifta" For at eit opplæringskontor skal bli godkjent må dei enkelte bedriftene som inngår i kontoret vere godkjende av fylkeskommunen. Ei lærebedrift må kunne gje ei opplæring som tilfredsstillar krava i forskrifter etter §3 - 4 i opplæringslova om innhaldet i opplæringa. Når lærebedrifta er

eit opplæringskontor skal dei samarbeidande bedriftene dokumenter at dei samla tilfredsstillar krava i forskriftene etter § 3 - 4.

Opplæringskontora skal ha vedtekter som fastset tilhøvet mellom kontoret og medlemsbedriftene. Vedtektene skal fastsetje kva den enkelte bedrifta skal gje av opplæring, og deling av tilskotet. Ei lærebedrift, her opplæringskontor, skal ha ein eller fleire fagleg kvalifiserte personar (fagleg leiar) som har ansvaret for opplæringa og at opplæringslova med forskrifter vert oppfylte. Det er lovfesta krav om ein eller fleire instruktørar i kvar enkelt bedrift.

Lokale retningslinjer

Fagopplæringsnemnda i Sogn og Fjordane vedtok i sak 06/10 lokale retningslinjer for handsaming av søknad om godkjenning av opplæringskontor.

Dei lokale retningslinjene er tufta på opplæringslova, og består av fylgjande 8 punkt:

1. Opplæringskontoret må ha vedtekter som fastset forholdet mellom kontoret og medlemsbedriftene. Desse skal fastsetje kva den enkelte bedrift skal gje av opplæring, og avklara deling av lærlingtilskotet mellom bedriftene. Vedtektene for opplæringskontoret skal ligga ved søknaden (jf . § 4 - 3 i opplæringslova).
2. Det skal gå tydeleg fram kva fag det blir søkt om godkjenning for.
3. Den enkelte medlemsbedrift i Sogn og Fjordane som inngår i opplæringskontor, må vera godkjend av fylkeskommunen.
4. Opplæringskontor som er lokaliserte i andre fylke skal ha lokal kontaktperson når dei søker godkjenning i Sogn og Fjordane.
5. Det er sterkt ynskje om at arbeidstakersida og lærlingane er representerte i styret i opplæringskontoret.
6. Det er ynskje om samarbeid med andre opplæringskontor i fylket.
7. Før godkjenning av nye opplæringskontor heimehøyrande i Sogn og Fjordane skal fagopplæringsnemnda gje fagleg vurdering.
8. Endringar i desse retningslinjene skal leggjast fram for fagopplæringsnemnda.

3. Vurderingar

Nordfjord opplæringskontor har utarbeidd vedtekter som ligg ved søknaden om godkjenning. Etter fylkesdirektøren si vurdering er desse gjennomarbeidde og utfyllande, og dei tilfredsstillar både krava i opplæringslova og dei lokale retningslinjene.

4. Konklusjon

Nordfjord opplæringskontor vert godkjent som tverrfagleg opplæringskontor i Sogn og Fjordane innanfor omsøkte utdanningsprogram.